



Georg 1066



Georgs-B.

460





Die Artickel
so Bischoff vñ Bam-
bergt/die zwen Bröbst vñ dē
Prior Augustiner Ordens zu
Nürnberg /gefragt/ als
sie von im citiert seyn
worden/ Vñ der
Bröbst vñ Pri-
ors antwort
12 Sep;
tem;
bris 1524. in Bā-
bergt.



[Faint, illegible text, likely bleed-through from the reverse side of the page]

20

S

2
Kirch
Sach
Ant
auch

3
de
lasse
gam
das

4
also
ler
Dre



Alhie werden verzeichnet die Artickel /

So Bischoff von Bambergt gefragt hatt die
zwen Bröbst vnd den Prior Augustiner
Ordens / zu Nürnberg / als sie vñ
ihm citiert seyn wöiden / Vñ
der Bröbst vñnd Pri-
ors antwort .

Artickel / Ob sie alle Artickel
des Heyligen Christlichen Glaubens be-
kennen vñnd glauben. Antwort / Ja wyr
glaubenn alle Artickel des Christlichen
Glaubens.

2 Item / Ob sie Seelsorger seyn / yr vñnd ander Pfar-
kirchen / Vñnd ob sie die Personlich verwesen / vñnd die
Sacrament reychen / durch sie odder ire mitchelffer.
Antwort / Wyr seyn regiren vnser Kirchen / Reychen
auch selber die Sacrament sampt vnsern mitchelffern.

3 Item / Ob sie allen Leyen das heylig Sacrament bey-
de Leybs vñnd Blüts Christi reychen / odder dar reychen
lassen. Antwort / Alle die es begeren / reychen wyr das
ganz Sacrament / wie es Christus verordnet hatt / vñnd
das vnser Consciens auch also beuolhen hat zu reychen.

4 Item / Ob sie auch die / so das Sacrament entpfahē /
also vor vermanet werden / zu der Peycht / vñnd Rewe al-
ler sind. Antwort / Niemandt vermanen wyr zu der
Dren Peycht / Sondern lassen eyn Christliche vermanung
A ij thun durch

thun durch vnserer mithelffer vor der entpfahung der Sa-
crament/vnangesehen/ob eyner die Oren Psycht thue/
odder nicht.

5 Item/Warumb sie den langen hergehaltenen brauch
der Mess verwandelt haben/vnd das Euangelion vnn
Epistel Teütsch lesen lassen. Antwort Wyr lassen
auch das Euangelion vnn Epistel Teütsch lesenn (der
Prior) Vnn ich die Mess gar Teütsch/da mitt es die
vmbstehenden Bügen verstehen.

6 Item/Warumb sie die Kinder Teütsch tauffen/vñ
vnterlassen den hergebrachten brauch der Kirchen.
Antwort/ Sie Kinder tauffen wyr in vnser sprach/vñ
haben noch bissher keyn alten brauch aufgelassen.

7 Item/Ob sie durch sich odder ihr verweser die Leüt
vnterweyssen/das eyner das Sacrament der Olung nicht
soll reychen. Antwort/ Sie Krancken welche der
Olung begeren/den haben wyrß lassen reychen/haben we-
der gepotten noch verpotten.

8 Item/Ob sie verpotten haben Vigil/Seelmess/
Fartäg/von den verstorbenen zu halten/odder zu verpie-
ten vergünth haben. Antwort/ Keyn Vigil Seels
mess halten wyr gar nicht mer/vnn ob eyner soliches be-
gert/vnn haben wolt/wolttten wyrß nicht gestarten.

9 Item/Ob sie Hochzeyt eynleytten/die im Rechte
verpotten vnn ob sie die scheyden auß eygner gewalt.
Antwort/ Was von Gott verpotten/am dritttem
Büch Moss/leytten wyr nicht syn/Aber was von men-
schen hpotē

schel-
tens
Eh-
fügt

10
Bis-
offli-

11
gen/
heyt
ver-
liche

12
rech-
Gla-
dem
Ant-
nige-
Gla-
das
en-
sch-
lige

13
gew-
der
Ley-
14
Jur-

schen verpotten ist/scheyde wyr gar nicht/Sondern leyens
alzeyt eyn/wenn sie es begeren/Auch keyn rechte
Ehe scheyden wyr nicht/Sann was Got zusammen ges
fügt hatt/mag keyn mensch scheyden.

10 Item/Ob sie die Tagzeyt beten nach Bamberger
Bistum. Antwort/ Wyr betten nicht nach Bisch
offlicher Ordnung/Sondern nach vnsers hertzē andacht.

11 Item/Ob sie die Feyertag vnnnd Fastag der Heyli
gen/verpietten zū Fasten vnnnd Feyern/nach alter gewon
heyt. Antwort/ Am Sonntag lassen wyr die tag
verkündigen/Aber nicht gepietten/Lassen auch eyn yet
lichen Feyern vnd essen/was wyr habē/mit vnterscheyd.

12 Item/Ob sie glawben eynem Concilio / Das doch
rechtlich versamlet würdt/zūvor in den dingenn/die den
Glawben antreffen/vnd den verstandt Heyliger schrifft
dem man dann schuldig mag gehorsam zū seyn.

Antwort/ So eyn ganz Concilium nach lauth des ey
nigen vnnnd lauttern wort Gottes etwas den Christliche
Glauben antreffen/beschleüst/ vernemen wyr zū halten/
das wyr dem wort Gottes mer gehorsam den den mensch
en schuldig seyn. So sie aber verpieten/das wyder die hey
lige sch:iff: ist/soll man ihn gar nicht gehorsam seyn.

13 Item/Ob sie nach Ordnung der Kirchen zū Prieester
geweyhet worden seyn. Antwort/ Nach Ordnung
der Kirchen seyn wyr zū Prieester geweyhet / Prio: saget/
Leyder Gott erbarm.

14 Item/Ob sie sich erkennen vnter des Bischoffs
Jurisdiction zū seyn. Antwort/ Wyr haben keyn
A ij hern/dann

hern/dann Gott alleyn/Aber vmb des willen seyn wyr al
ler Creatur vnterworffē/also dem nach das vns auch entz
gegen dem wort Gottes wirt oder wyder vnser gewissen

15 Item/Warumb sie abzihen von dem alten brauch
der Kirchen/vnd seyner Gnaden ermanung der weyhe
im zeychen verheysen haben. Antwort/Wyr bekennē/
das wyr ewer Gnaden gehorsam zū seyn/in annemung d
weyhe verheysen haben/aber das wyr bezeügen durch dz
wort Gottes/das vns anders bewt vñ thun heysset.

16 Item/Ob sie nichts vor der verenderung od wandl
lung solicher bruch der Kirchen seyner Gnaden bewillig
ung begert haben. Antwort/Wyr haben ewer Ges
naden zū vor der wandlung ersucht/in sonderheyt von we
gen der reychung der ganzenn Sacrament / wie eüch die
brieff/so E. G. zūgeschickt/anzeygen/auff solchs E. G.
geantwort/wyr sollen nichts wandeln bis zū eynem
zükünfftigen Concilion/Sieweyl aber soliches
Concilium noch vngelaltē / villeycht noch
in weyttern verzüg sich erstreckt/ha
ben wyr die alten gebräuch der
Kirchen verwandelt/vñnd
dieselbigem nach dem
wort Gottes ger
richt / San
mann
Gott meher
schuldig ist gehor
sam zū seyn
dan den men
schen.


yn wyr al
auch entz
gewissen

n brauch
r weyhe
oekennē/
emung d
durch dz
set.

d wanda
n bewillis
wer Ges
von we
eulich die
L. G.
ynem
des

[Faint, illegible text, likely bleed-through from the reverse side of the page]











1066
Georg...
...
...
...

1066
Georg...







Auszlegung der
Epistel Petri







44
Die Artickel
so Bischoff vō Bam-
berg
Pai
vō

